

EVENING GOJRI

NEWS BULLETIN

20AUG

1700 HRS

ایونینگ گو جری نیو ز بلیٹن مو رخہ 20 اگست 2025

یوه آکا شوانی جموں بے محمد اشفاق تے نصرت چوبدری تین خبر سُنو۔

HEADLINES

۱. وزیر داخلہ امت شاہ نے اج جموں کشمیر از سرنو ترمیمی بل 2025 غے نال نال دو دیگر کلیدی بل لوک سبھا مانہہ پیش کیا ہیں۔
۲. لیفٹینٹ گورنر منوج سنہا نے کھیو جے طلبہ تے ماہرین علم نانہہ وکست بھارت 2047 گا نظریہ نانہہ مضبوط کرن خاطر اہم کردار ادا کرنا وے غو۔
۳. وزیر اعلیٰ عمر عبداللہ نے اج ضلع کپیکس بجٹ بارے جائیزو لیوتے نچلی سطح ور ترقی تے مالی شمولیت گی تو جہ ور زور دتو۔
۴. کھیلو انڈیا واٹر سپورٹس فیسٹیول 2025 غو آغاز پلکین ڈل جھیل سرینگر مانہہ کیو جے غو۔

۵. محکمہ موسمیات نے 23 اگست غے بشکار جموں کشمیر گا کئی علاقاں مانہہ شدید بارشان سنگ سیلاں بارے خطرہ گی پیشن گوئی کی ہے۔

JK BILL LS

مرکزی وزیر داخلہ امت شاہ نے جموں کشمیر از سرنو ترمیمی بل 2025 نانہہ لوک سبھا مانہہ پیش کیو ہے اس تین علاوہ دو دیگر کلیدی بل وی پیش کیا گیا جس مانہہ 130 موں قانونی ترمیمی بل 2025 تے مرکزی زیر انتظام علاقاں گی حکومت بارے ترمیمی بل 2025 شامل ہیں اس بارے بولتا وان وزیر داخلہ نے اس طرح کھیو۔ اس موقع ور حزب اختلاف گا ارکان نیان ان بل بارے شدید احتجاج کرتا وان ان گی واپسی بارے مطالبو کیو جس تین بعد زبردست ہنگامہ آرائی بوئی تے اس سلسہ مانہہ ایوان گی کاروائی نانہہ پہلان 3 بجے توڑی فرشام 5 بجے توڑی ملتوي کیو گیو۔ واضح رہ جے یہ 3 تاریخی بل حکومت گی آئندی اصلاحات مرکز گا زیر انتظام

علاقاں مانہے موثر حکمرانی تے جموں کشمیر نانہے مزید مضبوط بنان خاطر حکومت
گا عزم گی ترجمانی کریں۔

GAMING BILL

الیکٹرانکس تے آئی ٹی گا وزیر اشونی ویشنو نے اج لوک سبها مانہے آن لائین گیمنگ
بل 2025 نانہے فروغ تے اس گی ابمیت نانہے متعارف کرایو واضع ره جے یوه بل ای
سپورٹس تے آن لائین سوشل گیمز گی حوصلہ افزائی کرے جد کہ نقصان ده آن لائن
منی گیمنگ سروس اشتہارات تے ان متعلق مال لین دین ور پابندی وی لاوے
اس بل گو مقصد معوصی طور ور نوجوانان تے کمزور آبادیاڑ نانہے نقصان ده کھیڈاں
گا منفی اسماجی تے معاشی اثرات توں محفوظ کرنو بے۔

LG ACADEMICS

لیفٹینٹ گورنر منوج سنہا نے اج سینٹرل یونیورسٹی کشمیر مانہے تعلیمی معیار
نانہے باہدو دین خاطر نواں انتظامی بلاک تے ایمفی تھیٹر گو افتتاح کيو تقریب سنگ
خطاب کرتا وان ایل جی موصوف نے وکست بھارت 2047 نانہے تشکیل دین خاطر
ماہرین تعلیم تے طلبہ گا ایم کردار ور زور دتو انہار نے کھیو جے بھارت ایک
تبديلی گا مرحلہ مانہے داخل ہو رہیو ہے ت یوه نظریو آن آلا براں مانہے پائیداد
اقتصادی ترقی نانہے باہدو دین خاطر ایک ایم پیش رفت ہے اس بارے دستان وان ایل
جی موصوف نے اس طرح کھیو۔

CM MEETING

وزیر اعلیٰ عمر عبدالله نے اج ضلع کپیکس بجٹ 2025-26 کنسیسٹیننسی ترقیاتی فنڈ
سکیم آمدنی پیدا کرن تے سماجی بہبود سنگ جڑیا مالی شمولیت گو جائزہ لین
خاطر ایک ایم میٹنگ گی صدارت کی نچلی سطح ور تیرقی گی ابمیت ور زور دیتا
وان وزیر اعلیٰ عمر عبدالله نے عہدیداران نانہے ہدایات جاری گی جے وہ مقامی
پروجیکٹاں نانہے ترجیح دیں جن سنگ عوام نانہے براہ راست فائدو پُجے اس
سلسلہ مانہے وزیر اعلیٰ نے محسو لاتگی وصولی نانہے دین تے فلاہی سکیمان
نانہے موثر طریقہ کارسنگ مستحق افراد تک پُجان گی اک کوششان نانہے یعنی

بنان ور زور دتو یاد ریه جے یوه اجلس پورا خطيه مانهه متوازن ٹرمی ت مالی شمولیت خاطر حکومت گا عزم گی عکاشی کرے۔

CS CLIMATE FARMING

موسم غے مطابق کھیتی باڑی نانہه بہتر بنان واسطے چیف سیکرٹری اٹل ڈولو نے اج بین الاقوامی ادارہ برائے فصلان غی تحقیق حیدرآباد غا ایک وفد تیں تفصیلی گل بات کی اس ملاقات مانہه سکاسٹ کشمیر خشک زمین غی کھیتی باڑی واسطے بماليہ گو بہترین مرکز قائم کرن ور غور کیو گیو اس مرکز غو مقصد ایسی فصلان نانہه اگانو بے جھڑو موسم غی سختی نانہه برادرست کرسکے کھیتی غا جدید طریقان نانہه بدھا سکتے خاص طور ور پھاڑی تے بارشاں ور منحصر علاقان مانہه جانوراں غا چارا غی کمی نانہه دور کرنو بے یے منصوبہ تحقیقی تے نوی سوچ غی زربعی کساناں غی آمدنی نانہه بدھان مویشیاں غی پیداوار نانہه بہتر کرن واسطے کیو جاریو بے۔

WATER SPORTS

جمون کشمیر مانہه پلکین کھیڈاں غی ایک شانداد تقریب شروع ہون جاری بے مرکزی زیر انتظام علاقہ سرینگر مانہه 21 تیں 23 اگست توڑی مشہور ڈل جھیل ور کھیلو انڈیا واٹر سپورٹس فیسٹیول 2025 غی میزبانی کرے غو تقریباً 800 کھلاڑی کایا کنگ، کیوننگ تے روونگ جیسا مقابلہ مانہه حصو لیں غا۔ یاہ تقریب جمون کشمیر سپور کونسل تے وزارت امورا برائے نوجوان غی تحت منعقد بو رہیو بے جس مانہه سیاحت ثقافت تے دستکاری وی پیش کی جیں غی۔ اس تقریب بارہے اپنا خیالات سانجھ کرتا وان ایک کھیڈاری زینب شفی نے اس بارہے اس طرح کریو۔

GGM SC CLG

تعلیمی معیار نانہه بابدو دیتا وان گورنمنٹ گا ندھی میموریل سائنس کالج جمون نے اج برا جوش و خروش سنگ ابھرتا وار رجنات ور 2 روزہ بین الاقوامی کانفرنس گو افتتاح کیو اس تقریب گو مقصد جدید تحقیق تے اخراجات نانہه دریافت کرن خاطر عالمی تے قومی مابرین نانہه متعدد کرنوں تھو تعلیم گی وزیر سکتینہ اتو

اس موقع ور مهمان خسوصی تهی تے رُکن اسمبلی یود ویر سیٹھی نے وی اس تقریب مانہے شرکت کی واضح رہ جے اس کانفرنس گو مقصد باہمی تعاون عالمی مشکلات سنگ نمڑن تے تنقیدی سوچ نانہہ دور کرن ور زور دینو تھو۔

KAILASH KUND YATRA

ترے روزہ سالانہ کیلاش کنڈ یاترہ اج بھدرواه غا قدیم واسوکی ناگ مندر گاتھا تیں روایتی رسومات تے عقیدت گے نال شروع بوئی عقیدت مند 14 بزار 7 سو فٹ غی بلندی ور واقع کیلاش کنڈ غا سفر ورروانہ ہوا۔ حال بی مانہے کشتواڑ مانہے بادل پھٹن گا واقعیہ تیں بعد انتظامیہ نے حفاظتی اقدامات غے تحت یاتریاں غی تعداد محدود کرتی ہے بھدرواه قصبه مانہے بھگوان واسوکی ناگ غو ناں جھپتاں وان، پوترا جہڑی مبارک نانہہ لے جایو گیو۔ ڈوڈہ ضلع غا ایڈیشنل ترقیاتی کمشنر انیل کمار ٹھاکر نے انتظامات بارہ معلومات سانچہ کرتا وان اس طرح کریو۔

WEATHER

محکمہ موسمیات نے 23 اگست تیں توڑی جموں کشمیر غا کئی حصان مانہے گرج چمک غے نال شدید بارش غی پیشن گوئی کی بے زیادہ متاثرہ ہون آلا علاقاں مانہے جموں ریاسی ادھمپور سانبہ کٹھووہ راجوری انت ناگ تے گلگام بیں جد کہ پونچھہ رام بن ڈوڈہ تے کشتواڑ مانہے درمیانہ تے تیز بارشان گو امکان بیں محکمہ موسمیات نے خبردار کیو ہے کہ اس دوران موسلا دھار بارش بدل پھٹن اچانک سیلان مٹی کھسکن ت پتھر پین غا امکان بیں عوام تیں اپیل کی گئی ہے کہ دریا غ کنڈے یا کچی عمارتائیں دور رہیں ہکام نے سب نانہہ مشورو دتو ہے کہ ضروری احتیاطی تدبیر اختیار کریں تے حفاظتی بداعیات ور عمل کریں تانجے خطرہ تیں بچیو جاسکے۔

PTC ANNOUNCEMENT

علاقائی خبران آلا شعبہ آکاشوانی جموں غی طرفوں ضلع جموں واسطے عارضی نامہ نگاران یعنی پی ٹی سی واسطے درخواست منگی گئی ہیں۔ مجوزہ پروفارمہ ور عارضی نامہ نگار غی پوسٹ مانہے دلچسپی رکھن آلا ایسا امیدوار درخواست دے سکیں گا جھیڑا ضلع جموں گا بسنیک ویں تے اُن غی عمر 24 براں تیں 50 براں غے بشکار وہ۔

پ ڻي سى غى اس پوسٽ واسطے تعليمى قابلیت پى جى ڏپلومه يا صحافت غا
شعبه مانهه ڏگرى يافر تسلیم شده یونیورسٹى تىين گرجويشن غى بمراہ 2 براں غو
صحافت مانهه تجربو مقرر کيو گيو ٻئ. اس تىين علاوه کمپيوٽر تے ورڈ پروسيسنگ نالے
خبر اکٹھى کرن آلات تے ميڈيا کوريچ مانهه تجربو وي ضروري ٻئ. عارضى نامه نگار
غى پوسٽ مانهه دلچسپی رکھن آلاميدوار واسطے لازمى ٻئ جے ضلع صدر دفتر جمومون
يا اس تىين 10 کلو ميٹر غادائىر غى اندر رپائش پزير وئ اس سلسله مانهه درخواست
غى بارڈ کاپي ضروري دستاويزات غى بمراہ بىڈ ريجنل نيوز يونٹ آکاشوانى پنجتنه
جمون مانهه بذات خود

آئيندہ 31 آگسٽ 2025 توڙى ده سکين. اس بارهه مزيد جانکاري ويب سائيٺ

www.newsonair.gov.in ۾
